請考生於右方空格填寫
准考證號碼最後四位數

	l
	l
	l
	l
	l
	l

教育部 閩南語語言能力認證 B 卷 口語測驗

<作答說明>

- 1. 測驗時間:以音檔播放時間為準,30分鐘以內。
- 2. 題型配分:第一部分「情境對話」1題,10分;第二部分「看圖講話」1題, 20分;第三部分「文章朗讀」1題,20分;第四部分「口語表達」共2題, 每題20分。總計90分。
- 3. 作答方式:題目以音檔播放,各題準備和回答的時間不同,請依照音檔播放 的指示作答。

<注意事項>

- 1. 考試開始前請勿翻閱本試卷,違者其作答不予計分。
- 2. 應考人除准考證、身分證件外,非考試必需用品,須放置於試場前後方或指 定位置,不得攜帶入座。
- 3. 作答前,應依監試人員之指示,檢查試題卷是否齊全、所印准考證號碼是否 正確、完整,上述資料如有錯誤、污損、漏印或缺頁,應立即舉手請監試人 員處理,以免影響作答權益。

※播放說明語時請勿翻頁,等候指示再翻頁作答※

第一部份 情境對話

<u>※準備恰回答的時間攏總 30 秒,問題問了,聽著「請回答」,就會使開始講,</u> 閣賭 10 秒的時會「tng」1 聲提醒。

問題:你去予人請,已經感覺食飽矣,毋過人閣一直挾菜予你。你實在食袂落去,閣無想欲得罪人,你會按怎共拒絕?請用幾句仔話來表現你的意思。

參考答案: 🕠

恁的菜實在足好食,我食甲飽甲,遮爾好食的菜,食無了真 拍損,毋好閣挾菜予我矣,真感謝。

第二部份 看圖講話

※準備的時間 30 秒,講的時間 1 分鐘,閣賭 10 秒的時會「tng」1 聲提醒。

問題:請共下面這四格的圖,照順序組成完整的描述。(會當盡量發揮,毋過四 格攏愛講著)









第1頁,共3頁

參考答案: 📞

昨暗阮規家伙仔同齊看電視,拄好是氣象報導,講有風颱已經形成,這馬已經咧欲倚咱臺灣矣。逐改風颱若來,菜攏會起價,所以阮就緊去大賣場買寡青菜轉來囤。到大賣場一下看,是人較人,逐家攏佮阮想的仝款,看著青菜就下性命搶。第二工,風颱真正來矣,外口烏天暗地,風足透,共樹仔吹甲強欲倒去,根本就無法度出門。風颱走甲真緊,閣隔轉工就好天矣,阿爸、阿母佮我就出來摒後尾,共斷去的樹椏抾抾咧,樹葉仔掃掃咧,共糞埽清咧提去擲。

第三部份 文章朗讀

※準備的時間 30 秒, 朗讀的時間 1 分 30 秒, 閣賭 20 秒的時會「tng」2 聲提醒。

澳洲樹林是按怎會火燒山?著火上捷的起因,是天頂霆雷公敲佇焦燥的土地,闍來,是人為的因素,比如講有人擲薰橛仔,抑是放火,最後造成火勢無法度控制。澳洲火燒山的危險期按10月一直到隔冬3月,對春尾、規个熱天到早秋,也就是氣溫上懸、濕度上 kē 的時陣。科學家指出,對自然條件來講,澳洲是全世界上厚火燒山的所在,而且,氣候的變遷,若像予澳洲的野火閣較猛。「野火協同研究中心」指出,氣候變遷、洘旱會改變野火的特性、強度俗火燒的時間。澳洲因為燒熱、焦燥,佮本底就勢著火的柴草,像講厚油質的尤加利等等,所以曠野著火就變成無可避免的自然現象。

參考答案: 🕠

第四部份 口語表達

- <u>※每一條準備的時間1分鐘,講的時間2分鐘,閣賰20秒的時會「tng」2聲</u> 提醒。
- 【第 1 條】一般人認為運動對健康真有幫助,請你用一項俗意的運動來說明你的看法。

參考答案: 🕠

我的年歲較大,體力俗氣力攏無往過遐好,所以我攏是利用暗時無日的時陣去學校運動埕行行咧,予家已流寡汗,予身體維持正常的運作,嘛會予家已感覺較健康,所以我是真贊成運動對健康有幫助的講法。親像我逐工散步,跤手有咧振動,做代誌就感覺較輕可。散步的時因為有人通開講,嘛較袂想一寡有的無的,逐工嘛起毛婸。有運動暗時仔嘛較好落眠,上重要的是會使增強抵抗力,真罕得有啥物毛病。所以講,咱嘛是愛有運動的習慣,看是欲去拍球、跖山、跳舞,抑是像我四界行行踅踅咧攏好。適當的運動對咱身體定著是有好無穤。有時間就加減去運動,毋通規工佇厝裡坐咧。

【第2條】臺灣的風景非常美麗,真適合發展觀光事業,請問你認為應該愛用 啥物方法來發展?

參考答案: 📞

臺灣是一个地形恰生態攏真多元的所在,一粒仔团爾爾就有真濟真罕得看著的風景。我有三个方法會使發展觀光,第一是展現在地文化,在地文化是咱天然的資產,嘛是別位看袂著的,若好好矣運用,恰特有的環境連結,予人知影蹛佇這个所在的人是按怎生活,有啥物佮個無仝款的食食、工作佮風俗。第二是各縣市的合作,規畫東、西、南、北四个觀光區,安排無全的迫退路線,予想欲來耍的人做見本。第三國際宣傳,愛拍一寡宣傳影片,佇網路放送,予全世界攏會使看著咱臺灣特別的人文佮風景,吸引個來臺灣迫退。這三个方法毋管是對國內抑是國外的人攏真合用,嘛會予閣較濟人看著臺灣的媠。

※試題結束※